

倭漢三才圖會

博覽會
挂

九十一本末
山草

農商務省
圖書
第 三七三 號
冊 共

世五、九、二、百、末
草類
山草
九

内閣文庫	
番號	和 830?
冊數	44 (38)
函號	210 11



糊などで貼り付けられている部分がめくれない箇所あり
綴じ部(喉部分)の文字など開きが不鮮明な箇所あり

和漢三才圖會卷第九十二之本目錄

草類

△按凡草始生曰苗訓音妙節曰莖訓音和出曰芽訓音牙和枝葉豐盛

曰莖音懋和訓花下拊曰萼音聘俗云含實曰繩音孕

花乃周禮注曰艾其繩則實不成又綴實底曰蒂音帶

應劭曰木實曰果草實曰蒴音禡又有核曰果無核曰蒴

時珍曰天造地化而草木生焉剛交于柔而成根莖柔交




于剛而成枝幹葉萼屬陽華實屬陰由是草中有木木中

有草得氣之粹者為良得氣之戾者為毒故有五形金水火

五氣腥臭臊五色青赤黃白黑五味酸苦甘辛鹹五性寒熱溫平

神農本草經一百六十四種漢魏唐宋良醫代有增益

除穀菜外凡得草屬之可供醫藥者六百一十種



本草綱目所載亦如有名味用之類省之而不出
三才圖會農政全書畫譜所載者兼本朝所見者出之
然未攻其功能者唯記形狀而已

藥品

凡諸藥多用草故字从艸今金石木土之劑皆為藥而
草木根梢收採惟宜秋末春初春初則津潤始萌未克
枝葉秋末則氣汁下降悉歸本根諺曰賣藥者兩眼用
藥者一眼眼服藥者無眼非虛語也鑿不能識藥惟聽市
人市人又不辨究皆委採送之家傳習造作真偽好惡
並皆莫測

鍾乳醋煮令白
常歸酒洒取潤
以薺花亂人參
細辛水漬使直
蜈蚣朱足令赤
用木通混防已
黃芪蜜蒸為餅
古廣灰云死龍骨
首蒼根謂土黃耆

標蝟膠于桑枝

藿香米茄葉襍

麝香搗荔枝核攪

研石膏和輕粉

以薑黃言鬱金

嫩松稍為肉菘蓉

批杷葉代欬冬

草仁克草豆蔻

松脂混麒麟竭

西采代南木香

驢脚脛作虎骨

番硝和龍腦香

或半夏煮黃為玄胡索

或熬廣膠入蕎麵

炒作阿膠

或煮雞子及鯖魚枕為琥珀之類

巧詐百般為忌畏毒

甚致殺入歸咎用藥

讀本草綱目本草必

說拾要記之

△按百草黑燒用鍋底墨陳倉米用三年米者雖不中不
遠以猿尾麋鹿茸以膠餡襍蜂蜜以黃獨為何首烏者
其用藥有何益耶

凡藥品來於中華者 大君命遣識藥人于長崎悉辨正
之以聽交易出於日本藥品贗偽者嚴所禁止
藿香 黃芪 白欬 白芷 白鮮皮 桑寄生
常山 辰砂 滑石 阿膠 代赭石 爐眼石
右件藥藥不佳所以禁交易

官桂 大戟 茵陳 續斷 菊花 牛黃 白丁香

熊膽 虎膽 麝香 琥珀 阿仙藥 俗語云 五加皮

右件藥贗偽多有所以禁賣偽藥

熟地黃 麴半夏 神麴 乾薑

右件藥修製宜隨古法如省略者禁賣

川烏頭偽名新附子 大風子油偽名雷丸油

倭當藥偽名胡黃蓮

右件藥自今以後用本名須賣買之

重貝輕粉 平戶人參 熊野小人參

右件藥性功不佳所以禁賣買之

明曆四年法令其詳審如之然恐詐送者嘗綿密之擇求者每等開也蓋藥肆有言不欲價賤輒可得真者

六陳

狼毒 枳實 橘皮 半夏 麻黃 吳茱萸

陶隱居曰六種皆須陳久者良其餘須精新也

大黃 木賊 荆芥 芫花 槐花

李果曰是等亦宜陳久不獨六陳也

名義

以時名者 迎春 半夏 夏枯草 款冬 忍冬

以人名者 杜仲 王孫 徐長卿 丁公藤 蒲公英

劉寄奴 何首烏 使君子

以物名者 洋羊藿 麋街草 鹿跑草

常山 高良 天竺 迦南 鵝尾 鴨蹠

以地名者 虎掌 狗脊 馬鞭 烏喙 鵝尾 鴨蹠

以性名者 鶴蟲 鼠耳 牛膝

益母 狼毒 預知子 王不留行 骨碎補

強名之者 沒藥 景天 三七 無名異 威靈仙

和漢三才圖會 本草綱目卷之九十一 雜考 二

有南北土地之異

朝廷進御常有不時之花然皆藏土窖中四周以火逼之故隆冬時即有牡丹花計其工力一本至十數金此以難得為貴耳其不時之物非天地之正也北方花木過九月霜降後即掘坑塹深四尺實花於其中周以草結密壘之春分後發不然即槁死矣南方攜入北地者如梅桂梔子之屬尤難過臘至茉莉則百無一存矣南方閩廣即茉莉薔薇酴醾山茶之屬皆以編籬以語西北之人未必信也

藥七情

- 單行 ○相須 ○相使 ○相畏 ○相惡 ○相反 ○相殺

單行者

單方不用輔也

相須者

同類不可離也

相使者

我之佐使也

相惡者

奪我之能也

相畏者

受彼之制也

相反者

彼我交離必不和合

相殺者

制彼之毒也

相反者為害深于相惡者今畫家用雌黃胡粉相

然古方多有相惡相友者仙方甘草丸有防已細辛皂莢之類此皆精微妙奧非達權衡者不能知

相反

十八種

- 人參 沙參 玄參 苦參 丹參 紫參以上 芍藥 細辛 以上藥反藜蘆蓬之便殺人 半夏 白芨 白欬 瓜樓 貝母

以上反烏頭與烏喙逢之便疾反

大戟 海藻 芫花 甘遂 以上反甘草

蜜蠟與葱 石決明與雲母 並相反

黎蘆莫把酒米食 如犯之都是苦

相畏

十九種

官桂與石脂 牙硝與三稜 川烏頭草烏頭與犀角

丁香與鬱金 硫黃與朴消 狼毒與密陀僧

水銀與砒霜 巴豆與牽牛 人參與五靈脂

忌鐵

二十四種

菖蒲 龍膽 茜根 五味子 括樓 麻黃 香附子

芍藥 知母 牡丹 石榴皮 藜蘆 商陸 桑白皮

槐花 皂莢 雷丸 桑寄生 猪苓 山藥 茨藜子

桑茸 棟子 何首烏

忌銅

二種

辰砂 雄黃 山石

忌銅鐵

四種

地黃 玄參 益母草 肉豆蔻

忌火

三十二種

青黛 犀角 茵陳 茜根 柴胡 木香 羚羊角

雲母 芒消 朴消 滑石 雄黃 菊花 禹餘糧

川芎 藍葉 乳香 甘松 桂心 丁子 鐘乳石

白檀 藿香 牛黃 薄荷 紫草 沈香 薰陸香

白芷 胡椒 麝香 檳榔

製不法母輕忽

芫花本利水無醋不能通
草菓消腫効連壳及脹胸
蒲黃生通血熱補血運通
陳皮專理氣連白補胃中
草烏解風痺生用使人蒙

萊豆本解毒帶殼不見功
黑丑生利水遠志苗毒逢
地榆醫血藥連稍不住紅
附子救陰藥生用走皮風

人言燒過用諸石火煨紅而入醋能為未製度必須工
當歸頭止血尾破血
蜜成於蜂蜜温而蜂寒
穀屬金而糠之性熱

麻黃身發汗根止汗
油生於麻麻温而油寒
麥屬陽而麩之性涼
其核滑精故須去核

山茱萸補腎固精元
猪苓茯苓厚朴桑白皮之類
栝子火麻益智草菓之類
人參栝梗常山之類
遠志巴戟門冬蓮子烏藥之類
知母桑白皮天麥門冬地黃何首烏

不去皮耗人元氣
不去皮令人心痞
不去苗蘆令人嘔吐
不去心令人煩燥
犯鐵必患三消

服藥食忌

如羊犬狸肉者本朝人嘗
不食故忌之藥省不記之

有白朮蒼朮
有荊芥
有天門冬紫葳丹砂龍骨
有黃連桔梗烏梅胡黃連
有土茯苓威靈仙
有茯苓茯苓神丹參
有地黃何首烏

勿食桃李雀肉胡荽大蒜青魚鮮等物
勿食河豚及一切無鱗魚蟹
忌鯉魚
忌猪肉
忌麩及茶
忌醋及一切酸
忌蘿蔔葱

有常山
有巴豆
有牡丹
有當歸
有鼈甲
勿食生葱生菜
勿食野猪肉
勿食蒜胡荽
勿食濕麩
勿食莧菜

有甘草
有半夏菖蒲
有厚朴菴麻
有薄荷
有積柳
勿食菘菜及海藻
勿食飴糖
勿食炒豆
勿食鼈肉
勿食橙橘
凡服藥不可多食生蒜胡荽諸果油膩物

飲食禁忌

如牛馬羊犬者本朝人不食故省不記之

雞肉	忌蒜葱芥末糯米鯉野雞	沙餈	忌鯽魚笋
雉肉	忌蒼麥木耳胡桃鯽魚	蒼麥	忌雉肉猪肉
鰾子	忌荊芥柿橘軟棗	木耳	忌雉肉野鴨
綠豆	忌雞肉猪肉	芥子	忌鯽雞鰾兔
胡桃	忌樵子殺人又忌鯉魚鮓	乾笋	忌沙餈鱈魚
胡椒	忌野鴨雉及酒	枇杷	忌熱麩
鱈肉	忌魚鱈魚鮓鯽魚雞	桃子	忌鱈肉
鯽魚	忌莧菜薄荷芥菜桃雞子	銀杏	忌鰾鱧
魚鮓	忌芥末蒜糖雞雉	楊梅	忌生葱
河豚	忌豆藿麥醬蒜綠豆	慈姑	忌菜莖
	忌煤焙荊芥防風菊花桔梗甘草烏頭附子		

△按今人食雞肉多入葱蒜為臙呼名南蠻煮炙

又有食鯽鱈胡椒葱蒜和芥醋者
 又有食野鴨臙入木耳椎茸之類者呼名敖鳥
 本草所謂鯽與芥菜同食成腫疾雞與生葱同食成蟲
 痔然則雖急不有害好食之者甚不可
 相傳蒼麥與西瓜同食煩悶多至死又鰾鱧浸醋乃鰾鱧
 膨脹於腹中故使人煩悶也蓋西瓜似水而速降故先
 西瓜後蒼麥則無害乎今人每炙鰾鱧合葱醋食之亦
 無害多食則必損人至死者有之

百草

本綱五月五日采百種草陰乾燒灰和石灰為團煨研傳
 金瘡止血亦傳犬咬又治腋臭及癩癧已破各
 又取百草花煮汁釀酒服之治百病或采百草花水漬泥
 封埋百日煎為丸卒死者納口中即活也

本草綱目卷之九 本草綱目卷之九 本草綱目卷之九

△按牝鹿銜草以飴其牡蜘蛛齧芋以磨其腹虎中毒箭
 食清泥而解之野豬中毒箭豚薺花而食及五羴野會載
 蓋三獸之事未見之蜘蛛之所為予面見之犬中馬錢
 毒則吞水解之又蛇見蛇蟪之涎則避地不到又犬鼠
 共好油而見桐油則不敢近犬誤毛悉脫物猶知藥與毒
 况於人乎

○寬永十四年十二月板倉卜齋請紀伊亞相望請藥草
 根并核實於朝鮮國見于羅山文集

- 沙參 丹參 藜蘆子 蜀葵子 葶藶子 何首烏
- 防己 白微 五味子 石楠葉 菴藺子 蜜蒙花
- 射干 常山 佛耳草 白頭翁 黃蜀葵花 前胡
- 馬蔞 劉寄奴草以上二十一種
- 薤 草薺 百部根 延胡索 胡黃連 山豆根
- 鬱金 商陸 天仙藤 銀花胡 藜蘆 續斷 烏頭
- 薑黃 漏蘆以上十五種

山草類

- 甘草
- 尾人參
- 羊角菜和沙參
- 桔梗
- 萎蕤
- 草薺蓉
- 天麻
- 黃芪
- 和人參
- 躍草
- 長松
- 知母
- 鎖陽
- 蒼朮
- 人參
- 沙參
- 薺花
- 黃精
- 肉蓯蓉
- 惠布里古
- 白朮

和漢三才圖會 山草 卷之九

本草綱目卷之九十二

狗脊

觀音草

仙茅

丹參

紫草

伊波奈之

貫衆

遠志

玄參

紫參

白頭翁

巴戟天

淫羊藿

地榆

王孫

山苻菜

和漢三才圖會卷第九十二之末目錄

山草類 下卷

白及

胡黃連

秦艽

防風

升麻

延胡索

三七

當藥

柴胡

獨活

苦參

貝母

黃連

黃芩

前胡

土當歸

白鮮皮

山慈姑

和漢三才圖會

山草

卷九十二

目錄

石蒜 セキショク

白茅 ハクモウ
茅花

香茅 カウモウ

龍膽 リウタン

及已 キツイ

白微 ハクビ

百兩金 ヒヤクリョウキン

罷草 ハイクサ

女節花 メノフシバナ

元日草 ゲンニチクサ

歪頭菜 ヒナゲシ

舌頭菜 ゼンシツ

尖刀兒草 センタウジ

佛指甲 ブツシヤウ

珍珠菜 チンジュサイ

山葱 ヤマニギ

鐵色箭 テツシキヤ

菅茅 カウモウ

芒 マウ

細辛 サイシン

鬼督郵 キツクウ

白前 ハクゼン

紅蓼花 ベニルイ

紫陽花 ムラサキヤウ

刈萱 キリカヤ

夾竹桃 ケツク

紫雲菜 ムラサキクモ

螺壓兒 カウモウ

山裏果兒 ヤマウラハ

拐棗 カウモウ

木桃兒 キタウ

羽子伊草 ウヂイ

水仙 スイセン

黃茅 ワウモウ

絲芒 シマウ

杜衡 トカウ

徐長卿 セウチャウ

草犀 クサシ

唐松草 タウソウ

繡線菊 シュセンキク

箱根草 ハコネクサ

草尾 クサビ
草

匙頭菜 シテウサイ

鯉魚鱗草 リウギョリン

惠連草 ケイレン

風輪菜 フウリン

金剛刺 キョウカウ

山神錫杖 ヤマノカミ

岐良牟草

和漢三才圖會

山草

卷九十二之九

目錄二

和漢三才圖會卷第九十二之本

山草類 上卷

攝陽 城醫法橋寺島良安 尚順 編



甘草

唐音 カンツァウ

蜜甘 蜜草
美草 落草
靈通 國老

其大美者 名粉草 和名阿末木

本綱春生青苗枝葉悉如槐高五六尺但葉端微尖而糙
濼似有白毛七月開紫花似柰冬結實作角如相思角作
一本生至熟時角折子扁如小豆極堅齒嚙不破根長者
三四尺粗細不定皮赤色上有橫梁梁下皆細根也以大
徑寸而結緊斷文者為佳謂之粉草其輕虛細小者不及

和漢三才圖會

山草

卷九十二之本

目錄二

之安南國甘草大者如柱土人以架屋不識果然否也
氣味甜平氣 可升可降陰中之陽也此草治七十二種

乳石毒解一千二百般草木毒調和衆藥有功故爲國
老經方少不用者猶如香中有沉香也凡使須去頭

尾尖處其頭尾吐人苦參乾漆爲之使惡遠志
生用則氣平補脾胃不足而大瀉心火

炙用則氣溫補三焦元氣而散表寒除邪熱去咽痛
凡甘草性能緩急而又協和諸藥使之不爭故熱藥得

之緩其熱寒藥得之緩其寒寒熱相雜者用之得其平
凡中滿嘔吐酒客之病不可用甘草甘者令人中滿

△按甘草出於南京陝西河東山西者爲上皆稱之南京
甘草出於福州者細脆帶微苦味又細而如稍者俗謂

之藁手又大者名粉草俗謂之鞭手
往昔日本有甘草延喜式云陸奥出羽常陸每年貢之

如今絕不出雖希有而細硬不佳



黃耆

黃耆 戴椹 戴參
王孫 百本
諸耆長也色黃爲
倭名夜波良


本綱黃耆葉似槐葉而微尖小又似蒺藜葉而微濶大青
白色開黃紫花大如槐花結小尖角長寸許根長二三尺
以緊實如箭籐者爲良嫩苗亦可燉淘茹食其子收之十
月下種如種菜法亦可有數種

白水黃耆 赤水黃耆 綿黃耆 木黃耆 土黃耆

蓋白水赤水者共陝西之鄉名綿者出於山西沁州綿上
故名或云用其皮折之柔軟如綿者爲良乃謂之綿黃耆

木黃耆者短而理橫今人多以首宿根假之俗呼爲土黃
耆但堅而脆味苦冷入瘦黃耆柔而味甘冷入肥大異用
者宜審木黃耆亦勿用

氣味甘微温氣 可升可降陰中陽也人參補中黃老實
 表藥中補益呼為羊肉其用有五補諸虛不足益元
 氣壯脾胃去肌熱排膿止痛活血內托陰疽為
 瘡家聖藥也元氣弱肥白而多汗者止之虛熱無汗
 則發之防風能制黃者黃者得防風其功愈大乃相畏
 相使也伏苓為之使惡
 △按今藥肆不論出處好惡皆號綿黃甚售之但擇取切
 口黃色柔軟者可用是亦經年者為堅實而不佳故新
 渡者良又出於倭者名富士黃者經久則堅脆味亦不
 甘疑此首蒼根矣不堪用故令售者禁止也



人參

じんじん

じんじん

人蔘 人蔘

海腹 神草

黃參 地精

鬼蓋 土精

皺面還丹

本綱人參為藥切要與甘草同功有人參處上者紫氣搖
 光星散而為人參實神草也根有手足面目如人者為神
 生上黨今潞州也山谷及遼東高麗乃朝鮮也者為最上春生苗多於
 深山背陰近椴樹甚似桐下濕潤處初生小者三四寸許一
 椴五葉四五年後生兩椴五葉未有花莖至十年後生三
 椴年深者生四椴各五葉中心生一莖俗名之百尺杵三
 四月有花細小如粟蕊如絲紫白色秋後結子或七八枚
 如大豆生青熟紅自落

朝鮮人參猶來中國互市亦可收子於十月下種如種菜
 法秋冬采者堅實春夏采者虛軟非地產虛實也偽者皆
 以沙參薺芫桔梗采根造作亂之沙參體虛無心而味甘淡
 桔梗體堅有心而味甘苦薺芫體虛無心而味甘
 人參體實有心而味甘苦近有以人參先浸取汁自咬乃
 晒乾復售謂之湯參不任用
 人參生時背陽故頻見風日則易蛀納新器中入細辛與
 參相間收之密封可經年不壞一法用淋過窰灰晒乾罐

收亦可

凡用時宜隔紙焙之熟用則氣溫並忌鐵器伏苓為之使反藜蘆畏五靈脂惡皂莢黑豆人參可去蘆不去則令

得升麻則補上焦之元氣瀉肺中之火

得茯苓則補下焦之元氣瀉腎中之火

得黃芪甘草則除大熱瀉陰火補元氣

得麥門冬則生脈得乾薑則補氣

凡血脫者用人參益氣則血自生藥品之聖也

△按人參可用不可用之病症本草諸家之辨論區區也

夫不可偏執今時亦然焉一槩有泥其功不詳虛實而

動則人參多入用者稱之人參醫師

凡人面白或黃或青驚悸者皆脾肺腎不足可用也面

赤或黑者氣壯神強不可用也

凡脈之浮而芤濡虛大遲緩無力沉而遲濇弱細結代

無力者皆虛而不足可用也若弦長緊實滑數有力者

皆火鬱內實不可用也蓋此說可以為的據也

朝鮮人參 朝鮮北靺鞨南境有大山名白頭山自然生

人參為最上其葉花與和人參相似而實異初青熟赤

圓如南天實其根似胡蘿蔔而白色使甘草汁蒸乾黃

色亦益其味頭邊有橫文體重實而中亦潤黃者為上

經年者大愈佳似人形者亦百斤中有一二本此雖有

神而不甚佳出於咸鏡道者潤白透明為極上最鮮

判事人參 是亦白頭山之產出於靺鞨而未知修治良

方故功稍劣

蝦手人參 右同蓋靺鞨土地水不清毒多故其富儂者

常浸人參於井中用其水更採出人參販之故帶餘色

而尾端曲似蝦形所謂湯人參之類乎

唐人參 即中華之產山西之潞安古之北京之永平雲

南之姚安共為上而下種植成故功不如朝鮮自然生

者其大者俗呼曰唐大

小人參 非大人參中擇出者而本自一種小者其根長
 一上二寸許猶嬰粟與美人草近年不來俗以尾人參稱
 小人參者非也
 凡大人參老者則大而功勝嫩者小而力劣焉體輕虛色
 枯白者俗謂浮虛人參無効



尾人參

ヒゲんじん 俗稱
 小人參 俗稱

自此一種也俗
 以為大人參之
 鬚細根者非也

△按尾人參朝鮮中華共有之蔓生而與人參一類異種
 者也高一二寸葉似人參而小蔓出於莖布地至處生
 根如草石薺樣取其蔓根為藥續者似草薺鬚故名鬚
 人參每唐船皆將來之稱小人參性堅實其功勝於大
 人參之浮虛者



和人參

わんじん 人參
 和名加乃仁
 介久佐
 一名久末乃伊

△按人參往昔本朝有之而中古不用之出於薩摩者名
 小人參一名節近年得唐人參種多植圃攝州平野庄
 多出之二月下種初生一莖三葉及長數桮皆三葉其
 而葉厚潤有深刻而無筋畧似銀杏葉每八月中心抽一
 本莖高三四尺開細白花如蓋似蒲薺及胡蘿蔔花秋後
 結子細小亦似胡蘿蔔霜後枯宿根亦能生也九月採
 根如胡蘿蔔而淡白色以甘草汁蒸乾則能類人參但
 頭無橫文蘆頭不枯縮耳功能亦不及故用者鮮
 和列吉野山中有自然生者又有得真朝鮮參種植者
 並其葉根與朝鮮不異然甚希而未足賣買




沙參

名ごん 白參 知母 羊乳 羊婆奶 虎鬚 苦心 鈴兒草

本細沙參處處山原有之二月生苗其葉如初生小莖葉而團扁不光八九月抽莖高一二丈莖上之葉則尖長如枸杞葉而小有細齒秋月葉間開小紫花長二三分狀如鈴鐸五出白蓋亦有白花者並結實大如冬青實中有細子霜後苗枯其根生沙地者長尺餘大一虎口黃土地者則短而小根莖皆有白汁八九月采者白而實春月采者微黃而虛小人亦往往執蒸壓實以亂人參但體虛輕鬆味淡而短耳 厥陰本經藥又為脾經氣分藥及藜蘆味氣味微甘微苦 微苦補陰甘則補陽故肺寒者用人參肺熱者用沙參

代人參

人參體重實專補脾胃元氣因而益肺與腎故內傷元氣者宜 人參性溫補五臟之陽 沙參體輕虛專補肺氣因而益脾與腎故金能受火尅水者宜 沙參性寒補五臟之陰雖云補五臟亦須借各臟之藥佐使相引而至也 △按沙參屈曲如卷細繩或有剝瀆防風皮卷成偽之或中裹偽者之類故繙亂而賣買故近年以來皆不卷屈



羊角菜

羊角科 合鉢兒 細絲藤 過路黃 今云 駭人參 又云 倭沙參

本綱沙參下陳藏器曰羊乳根如薺苳而圓大小如拳上有角節折之有白汁入取當薺苳苗作蔓折之有白汁農政全書云羊角菜生田野下濕地拖藤蔓而生莖色青白葉似馬兜鈴葉而長大又似山藥葉亦長大面青背頗白皆兩葉對生莖葉折之俱有白汁出葉間出萌開五瓣小白花結角似羊角狀中有白穰其葉味甘微苦

△按羊乳即沙參之別名也然陳氏所謂羊乳乃羊角菜而後沙參也以有蔓為蔓人參和州河州信州處處山中有之蔓生其莖葉共似初生薺苳及草薺葉八九月葉間開小白花亦有淡紫者形如鈴鐸根莖有白汁但宿根未經歲者則無花九十月採根斜殺之晒乾既乾則皮黃皺有橫文理如人參文尋常用之換人參最為沙參入用藥而有功嘗以為沙參之一類故代唐沙參者無異正代人參者不可也凡用人參也特可擇之如不能得朝鮮美者可使唐參也

尾人參勝於朝鮮唐參等浮腫者其次可用倭人參

俗稱



躍草


△按本草時珍所謂沙參之形狀與此能合焉此草高尺許莖微赤色葉似小葵而兩兩對生三四月葉本開小花白色帶微赤狀似人著笠躍故俗為躍草其根細長



薺苳

薺苳 杏參
杏葉沙參
白麩根
甜桔梗
苗名隱忍

本綱其苗似桔梗根似沙參故往往以沙參齋菀通亂人參但齋菀春生苗苗高一二尺莖色清白葉似杏葉而小微尖而背白邊有又牙杪間開五瓣白盤子花根形如野胡蘿蔔頗肥皮色灰黝中間白毛又有開碧花者凡齋菀桔梗一類而甜苦二種也齋菀嫩苗味甘燥熟可食桔梗苗苦不可食此其異也氣味甘寒能解百藥毒乃良品也而世不知用惜哉與諸毒藥共處毒皆自然解也虎中藥箭食清泥而解野豬中藥箭逐齋菀而食物猶知解毒何況人乎
△按齋菀和名佐木久佐奈一名美乃波出於河州金剛山者良紀州若山次之藝州廣島又次之岫嶽及淺山中有之



桔梗

白藥 梗草 齋菀

私名阿里乃比布木

あいのまき
キツケレ

今呼字音
不曰和名

本綱桔梗春生苗莖高尺餘葉似杏葉而長階三四葉對生又有差互者嫩時亦可煮食夏開小花紫碧色頗似牽牛花秋後結子其根如指大黃白色
本草本經桔梗與齋菀為一物至別錄始出齋菀條分為二物然其性味功用皆不同根有心者桔梗無心者齋菀又苗苦者桔梗甜者齋菀
氣味厚苦辛輕平味陽中之陰升也入手太陰肺經氣分及足少陰腎經硬使須去頭上尖清肺氣利咽喉與甘草同行為舟楫之劑如大黃苦泄峻下之藥欲引至胃中至高之分成功須用辛甘之劑升之譬如鐵石入江非

舟楫不載所以諸藥有此一味不能下沉也

△按桔梗山野及人家多種之苗叢生無枝極其葉似杏葉而櫛也本草細目作階字誤皆淡白有微毛自本至末差互生葉間開碧花凡以紫碧者為桔梗之正色又有白花者有紫白相間者有單葉有八重皆變於子種初無枝極剪折莖則生枝極其葉對生者亦有



長松

其功如松脂及仙蒂故有二名

仙蒂

本綱生山谷古松下其葉如松葉上有脂根色如薺花長三五寸氣味類人參清香可愛山人服其葉云長年氣味甘微能治大風惡疾眉髮階落白骸腐潰每以一

兩入甘草少許水煎服旬日即愈



黃精

ハシツイン

黃芝 皮已芝
菟竹 救窮草
垂珠 野生薑
米舖 重樓
龍術 仙人餘糧

本綱黃精又名細格山野皆有之子亦可種其葉似竹而不尖或兩葉三葉四五葉俱對節而生莖極柔脆本黃末赤四月開青白花狀如小豆花結子白如黍粒亦有無子者根如嫩生薑而黃色又其根橫行狀如蒸糰俗采其苗燻熟泡去苦味食之名筆管菜二八月采根九蒸九暴作果黃黑色而甚甘美忌梅實氣味甘平補中益氣除風濕安五臟久服輕身延年不飢補五勞七傷博物志云昔黃帝問天老曰天地所生有食之令人不死


者乎天老曰太陽之草名黃精食之可以長生太陰之草名鉤吻不可食之入口立死人信鉤吻殺人不信黃精之益壽不亦惑乎

△按黃精一名於保惠美形狀華和相似而倭者味帶苦出於河州金剛山者良江州高島郡者次之武州則澤又次之

今所渡者多萎蕤也藥肆取肥者為黃精瘦者為萎蕤又云黃色節高者黃精黃白色節低者萎蕤也

倭

救荒本草



三才圖會

ライスイ

萎蕤


- 葳蕤 萎蕤
 - 女萎 萎香
 - 委萎 煖行
 - 玉竹 地節
- 和名惠美久佐 一云阿未奈

本綱萎蕤山中有之莖幹強直似竹箭幹有節其葉如竹兩兩相值表白裏青三月開青花結圓實其根橫行似黃

精差小黃白色性柔多鬚最難燥嫩葉及根可煮淘食氣味甘平能外能降陽中陰也補中益氣止消渴潤心

肺補五勞七傷虛損腰脚疼痛目痛皆爛淚出黃精萎蕤二物功用大抵相近而萎蕤之功更勝則二物雖通用亦可

△按萎蕤河州金剛山之確良其莖帶紫色葉似竹而厚管不對生而向上花如風鈴狀白色本末帶青結子



知母

ツツモリ

- 知母 貨母
- 連母 地參
- 蜚母 花藩
- 水參 苦心
- 兒草 蔞音

本綱知母生處處山上形似菖蒲而柔潤葉如韭至難死掘出隨生須枯燥乃止四月開青花如韭花八月結實宿根之旁初生子根形如蜚蠊之狀故名蜚母訛為知母

氣味辛若寒氣 沉而降陰也腎經本藥入足陽明手太陰其用有四瀉無根之腎火一療有汗之骨蒸二止虛勞之熱三滋化源之陰四也下則潤腎燥而滋陰上則清肺金而瀉火乃二經氣分藥也上行則浸酒焙乾下行則浸鹽水焙得黃柏良 黃柏則是腎經血分藥故二藥必相須而行壁之蝦與水母必相依附

△按知母和名夜 往昔本朝有之今則亡

肉菘蓉

肉松蓉 黑司命



本綱肉菘蓉生河西陝西及鴈門是野馬精落地所生也生時似肉三四月掘根長尺餘切取中央好者三四寸繩穿陰乾皮有松子鱗甲 震亨疑之曰或云大木間及土壘

匣中多生乃知自有種類或疑其初生於馬廐後乃滋殖如茜根生於人血之類是也

氣味甘微 強陰益精氣命門相火不足者以此補之乃腎經血分藥也蓋真者罕得人多以金蓮根或嫩松稍鹽潤偽之又以草菘蓉充之用者宜審

△按肉菘蓉鹽漬來有如鱗甲者其真偽難辨

草菘蓉

列當 栗當 花菘蓉



本綱草菘蓉原州秦州渭州靈州皆有之生巖石上暮春抽苗莖圓白色其根與肉菘蓉相類刮去花壓扁代肉菘蓉功力殊劣

氣味甘温

男子五勞七傷及陽事不興者良令人有子



鎖陽

ソトヤン


本綱鎖陽生肅州生鞞鞞田地野馬或蛟龍遺精久之發
 起如笋上豐下儉鱗甲櫛比筋脉連絡絕類男陽即肉莖
 蓉之類或謂里之淫婦就而合之得陰氣勃然怒長土
 人掘取洗滌去皮薄切晒乾以為藥功力百倍於菴蓂也
 疑此自有種類如肉莖莖列當亦未必盡是遺精所生也
 氣味甘溫 大補陰氣益精血利大便者勿用

惠布里古

阿加須止字
天禮面低古

△按惠布里古生鞞鞞地其處名加良不止高麗北蝦夷

島之北界也生沙濱中如鎖陽之類為大塊外灰白內
 白色似茯苓而不濃如枯菌理其味苦蝦夷松前入傳
 曰積聚疝氣一切腹痛等不用諸藥止用此皆愈也然
 虛弱人宜斟酌



瓜形



羊角形



天麻

てんま

テンマク

- 赤箭獨搖芝
- 離母赤箭芝
- 神草合離草
- 定風草
- 鬼督郵

本綱春生苗初出若考藥獨抽一莖直上高三四尺如箭
 斨狀青赤色莖中空依半以上貼莖微有尖小葉稍頭生
 成穗開花葉赤色遠看如箭有羽四月開花結實如豆粒
 大枝作五六枝中有肉如麩日暴則枯萎其子名還筒子
 至夏不落却透虛入莖中潛生土內

其根皮肉汁大類天門冬惟無心脉爾去根五六寸有十
 餘子衛之似芋其根暴乾肉色堅白如羊角俗呼羊角夫
 麻蒸過黃皺如乾瓜者俗呼醬瓜天麻皆可用形尖而空
 薄如玄參狀不堪用本草必讀云皮黃白肉明克
 氣味甘暖 肝經氣分之藥肝虛不足者宜天麻川芎以

補之其用有四治大人風熱頭痛一治小兒風癩驚悸
 二治諸風麻痺不仁三治風熱語言不遂四為治風之
 神藥故名定風草須別藥相佐使然後見其功

△按赤箭和名平止平止之一乃天麻也出武州耶澤者
 良藥州廣島次之倭天麻者一莖一花而無枝葉為異



蒼木

赤木 仙木
 山薊 山精

ツアシチツ

本綱昔人止稱木不分蒼白自宋以來始分之處處山中
 有之茅山嵩山者為佳苗高二三尺其葉抱莖而生稍間
 葉似棠梨葉其脚下葉有三五又皆有鋸齒小刺嫩葉可
 茹夏開花淡紫碧色似刺薊花或有黃白色者入伏後結
 子至秋而苗枯根如老薑之狀莖有細根蒼黑色肉黃白
 色有油膏 陰中陽


蒼木 葉細無極 如老薑而膏多 氣味甘辛烈温而燥
 白木 葉大有極根如鼓鼈而膏少 氣味甘微苦温而和

共可外可降防風地榆為之使忌桃李菘菜


蒼木入足太陰陽明太陽五經 治濕上中下皆有可用總
 解諸鬱凡補中除濕力不及白木寬中發汗功過白木
 又能除惡氣疽災疹今病疫及歲且人家往往燒蒼木
 以辟邪氣凡用時以米泔浸去其油

△按中華之二木一類二種自明也倭之二木一物而宿
 根如老薑蒼色者為蒼木嫩根白色者為白木然藥肆
 皆誤以舊根稱白木以嫩根稱蒼木或蒼白相混不可
 不擇其苗高一二尺一朶三葉葉末鋸齒而有毛四五
 月開花青色秋結子大如小豆蓋生山中者葉硬有微
 刺栽人家者葉軟無刺其葉及根形香氣和漢相似而
 花色異且白木根形不似鼓槌然唯似謂雲頭木者取
 出備後三原者良伊豫今治次之武州江戶藝州廣島
 奥州仙臺者又次之

狗頭木



欵木



白木

ベツチツ

楊抱子 山薊

馬薊 山薑

山連 抱薊

吃力伽 堀

和名年介良

本綱白木與蒼木一類二種而其草作極葉大於蒼木而有

毛根如指大狀似樹抱乃鼓槌之名但花實無異

白木入陰陽少陰厥陰六經除濕益燥和中補氣其

用有九陰陽少陰厥陰六經去脾胃中濕二除胃中熱三強脾胃進

飲食四和胃生津液五止肌熱六四肢困倦嗜臥目不

能開不思飲食七止渴八安胎九凡中焦受濕下利者

必須白木以逐水益脾非白木不能去濕非枳實不能

消痞故枳木丸以之為君

浙木俗名雲種平壤頗肥大由糞力也易潤油其大

如拳剖開恭乾謂之別木亦相不佳

○欵木 俗名有頭木 雖瘦小得土氣充也甚燥白勝于浙木

△按唐白木多如鼓棹者為佳近年有川白木者即是欵木而所切片者不佳蓋古倭亦不分二木一類平介良石所圖者概本草必讀之繪然圖與名義稱有齟齬焉京師五条天神每除夜群集祈除疫社前有賣白木者皆求之去焉本草言歲且服蒼木之事與此合

本草云一尺神也此のふけらうのふけらうのふけらう



狗脊

強腎 祛風 百枝 狗青 俗云世罕末以

本綱狗脊生山野其苗尖細碎青色高一尺以來其莖細而葉花共兩兩對生正似大葉蕨比貫眾葉有兩兩背背

光其根黑色長三四寸多岐似狗之脊骨大有兩指許肉青綠色一云無花但有二種

一種根黑色如狗脊骨 一種有金黃毛如狗形共入藥氣味微甜 治男女腰膝脚弱或痛者利老人最堅脊利俛仰革薺為之使惡敗醬病後足腫者煎湯漬洗

△按狗脊生溪山中春月生莖如蕨而一莖無根莖未卷葉似握拳狀而小嫩莖取晒乾用時灑漬水一宿去苦味再煮食之淡甘脆美也羽列秋田同最上之產佳既長則葉有鋸齒似貫眾而厚回背光兩兩對生附葉生細小花老則莖褐色如漆塗筋而長三四尺其根多

毛但金毛狗形者希矣用藥則金剛山之產良 一種有大葉者俗呼曰鬼狗脊嫩芽亦不堪食 鬼狗脊貫眾之圖所出三才圖會而狗脊有二圖其形狀不似但本草細目集解和漢無異耳

有一種山葎根正似巴戟但色白土人采得以醋水煮之
乃以雜巴戟莫能辨也但擊破視之中紫而鮮嫩也
其中雖紫又有微白慘有粉色而理小暗者真也

△按巴戟天往昔有出於本朝今乃無之皆用唐藥也多
連珠者佳俗名數珠巴戟
其葉如茗也如麥門冬也其異大也三才圖會之圖亦
出二種雖謂山林人家之異未審



觀音草

名義未詳

△按觀音草葉似蘭葉而狹短又似石菖葉而無劍脊深
青色四時不凋六月抽莖著小花作穗淡紫色蓓蕾可
愛其異稱之耳

一種有白花者 是乃變於實生者也俗以為琉球風蘭



遠志

苗名小草
蔓繞 棘苑
細草

本綱遠志生山谷有大葉小葉二種莖葉似大青而小者
其花紅是大葉也狀似麻黃而三月開白花者是小葉也
根形如蒿根而黃色長者及一尺去心取皮一斤止得三
兩如不去心則令人煩悶
氣味 苦溫 入足少陰腎經其功強志益精治善忘
蓋精與志皆腎經之所藏也腎精不足則志氣衰不能
上通于心故迷惑善忘也能益智強志故名遠志



淫羊藿

インヤツホツ

剛前

シラネ

仙靈脾 茯苓

葉杖草 千兩金

乾雞筋 黃連祖

三枝九葉草

本細淫羊藿生大山中一根數莖其莖粗如線高一二尺
 一莖二椹一椹三葉其葉長二三寸如杏葉及豆藿面光
 背淡甚薄而細齒有微刺經冬不凋四月開白花亦有紫
 花者碎小獨頭子五月采葉曬乾根紫色有鬚似黃連
 氣味甘溫 能益精氣堅筋骨三焦命門藥真陽不足者
 宜之久服使人好為陰陽有子嘗有淫羊一月百遍合
 蓋食此藿故名
 △按淫羊藿和名宇無木奈出丹波船井郡山中形狀
 和漢無異但唐者莖中虛倭者中實

根



仙茅


センマウ

獨茅 茅九子 婆羅門參

スエンマウ

本細仙茅生大山中葉青如茅而軟且畧潤面有縱文又
 似初生椶櫚秧高尺許至冬盡枯春初乃生四五月中抽
 莖四五寸開小花六出不結實其根獨莖而直大如小指
 下有短細肉根相附外皮稍粗褐色內肉黃白色此草始
 因西域婆羅門僧獻方於唐玄宗故呼為婆羅門參言其
 功補如人參也
 氣味辛溫有毒 治風冷癱痺不能行益陽道蓋補三焦命
 門之藥惟陽弱精寒稟賦素怯者宜之若體壯相火熾
 盛者服之反能動火中其毒舌脹出口至死忌鐵器及牛乳

根



玄參

げんじん

ヒヨシスミ

- 野脂麻
- 重臺 鹿腸
- 正馬 逐馬
- 馥草 鬼藏
- 黑參 玄臺

本綱玄參二月生苗葉似脂麻對生又如槐柳而尖長有鋸齒細莖青紫色七月開花青碧色八月結子黑色又有白花者莖方大紫赤色而有細毛有節若竹者高五六尺其根一根五七枚有腥氣生青白乾即紫黑色宿根多地蠶食之故其中空

氣味寒苦微 足少陰腎經君藥治胃中氣急之氣無根之火

火亢腎水受傷真陰失守孤陽無根發為火病者宜壯

承以制火故玄參與地黃同功治鼻中生瘡者玄參末

塗之惡黃芪乾薑大棗山茱萸反藜蘆

△按玄參和名和名 撰之柔而中黑者佳堅而中帶赤者不佳

根



地榆

ちよ

王鼓 酸 補

和名阿夜女大無

一云衣比須祢

俗云和禮毛加布

本綱地榆處處平原川澤皆有之宿根三月內生苗初生布地獨莖直上高三四尺對分出葉其葉似榆葉而稍狹細長似鋸齒狀青色七月開花如椹子紫黑色根外黑裏紅似柳根其根燒作灰能爛石故煮石方用之之茗時采其葉作飲亦好又可燒茹

根氣味微苦酸微寒 沉而降陰中陽也除下焦熱治大小便血證止血取上截切片炒用其梢則能行血

若虛寒人及水瀉白痢即未可輕使惡寒閉冬治代指腫痛單煮地榆作湯漬之半日愈

△按地榆多用後出金剛山者良高一二尺葉似小梅葉而小夏開花紫色千瓣圓似楊梅及千日紅狀

此乃丹參之根也



丹參

赤參 郁擘草
逐馬木半乳
山參 奔馬草

ツクスエン

本綱丹參生山中二月生苗高一尺許莖方有稜青色一枝五葉葉如野蘇而尖青色有皺毛三月至九月開小花成穗紅紫色如蛾形中有細子根皮丹而肉紫大者如指長尺餘一苗數根

此乃五參之一而五參配五臟人參入脾沙參入肺玄參入腎牡蒙入肝丹參入心其若參則右腎命門之藥也古


丹參氣味

苦微平而降陰中陽入心少陰厥陰之經心

與包絡血分藥也四物湯治婦人病不問產前產後經水多少皆可通用惟一味丹參散主治與之相同能破宿血補新血安生胎落死胎止崩中帶下調經脈其功大類四物當歸川芎芍藥故也蓋久服多服赤故應性熱其云微寒恐謬也良鹹水

△按丹參性昔本朝亦有之今則無之蓋調血之良藥古方多用之今用之者罕

根



紫參

牡蒙 無我
馬行 童腸
五鳥花

ツクスエン

和名知乃波久佐

本綱紫參苗長一二尺莖青而細其葉青似槐葉亦有似羊蹄者五月開花白色似葱花亦有紅紫而似水菘者其

根乾時紫黑色肉帶紅白狀如小紫草
氣味苦寒 入足厥陰肝臟血分藥故治諸血病及寒熱
瘧痢癰腫積塊之屬厥陰者畏辛平



王孫

ウニスラニ

牡蒙 黃孫
黃昏 卑藕

和名沼波利文佐
又云豆知波利

本綱王孫生山中其葉生顛頂似紫河車葉又似及已而
大根長尺餘皮肉亦紫色牡蒙與紫參同名也 但古方所
用牡蒙皆為紫參後人所用牡蒙乃王孫非紫參也不可
不辨

氣味苦平 療百疾補虛益氣主五臟邪氣寒濕痺四成
痰爽膝冷痢疾金瘡破血生肌止痛
△按王孫丹參紫參皆有和名則往昔本朝有之明焉今

無識者惜哉特無毒之草而療病之功最大也然亦方
藥中用之者希也



紫草

ツウツアラ

紫丹 紫菜
芘蒨 地血
藐音 邈音 鴉音 銜草

和名無良佐木

本綱紫草生山谷人家亦種之根紫色而可以染紫其苗
似蘭香莖赤節青二月開花紫白色結實白色秋月熟種
之法三月逐壟下子九月子熟時刈草春社前後采根陰
乾其根頭有白毛如茸未花時采則根色鮮明花過時采
則根色黯惡采時以石壓扁曝乾收時忌人溺及驢馬糞
並烟氣皆令草黃色
根氣味甘鹹 古方稀用今醫家多用入心包絡及肝經
血分其功長於涼血活血利大小腸故痘疹欲出未出

本草綱目

卷之二十一

紫草

血熱毒盛大便閉澀者宜用之已出而紫黑便閉者亦
可用得木香白木佐若已出而紅活及白陷大便利者
切不可忌之


△按紫草出於薩州者最佳與州南部羽州秋田遠州中
泉豫州大洲河州山田皆良但家種者不入藥用蓋鑿

方雖曰紫草可用根若謂紫草茸則可用嫩苗葉
深絹帛用紫根煎汁深之浸於木灰汁

一方用換方木煎汁入綠礬少許深之浸於木灰汁成
名之廣紫經年色變

紫草之根

根



白頭翁

奈何草

和名於木奈久佐
一云奈加久佐

胡主使者
野文人

本綱白頭翁生山谷及田野正月生苗作叢生狀似白微
而柔細稍長葉生莖頭如杏葉上有細毛而不滑澤近根
有白茸狀似白頭老翁根紫色深如蔓菁其苗有風則靜
無風而搖與赤箭及獨活同
根氣味苦溫氣厚味薄可外可降陰中陽也熱毒下痢紫血鮮
血者宜之
△按白頭翁今無識者別有翁草與此不同見干濕草之下



山芥菜

俗云草牡丹

救荒本草云山芥菜生山野間苗高一尺餘葉似野蜀葵
葉稍大而五又似地牡丹葉亦大葉中攢生莖義稍
結刺毬如鼠粘子刺毬而小開花豔白色葉味甘

本草綱目

卷之六

山芥菜

俗云草牡丹

△按草牡丹高一大葉畧似牡丹四月開白袍似芍藥而單葉稍小



伊波奈之

△按伊波奈之江列三井寺山中有之苗高二三寸葉大如飄樹葉而不尖揚地生二月開小白花似虎耳草花三月結子如青大豆而圓數顆攢生如楊梅樣裹於葉交外色青內紫黑色小兒剥皮食味微酸甚

和漢三才圖會卷第九十二之末

攝陽 城醫法橋寺島良安 尚順編

山草 下卷



白及 白給 甘根 連及草

金光明經謂之 因達羅喝悉多 俗云紫蘭 又云紫蕙

本綱白及生山谷葉似初生椶苗葉及菘蘆三四月抽一莖開花長寸許紅紫色中心如舌十月實熟黃黑色冬凋其根如菱有三角白色連及而生角頭生芽有臍如鳧此之臍又如扁扁螺旋紋性難乾氣味若甘微寒性瀉 陽中陰能入肺止血生肌治瘡反烏頭

和漢三才圖會

山草 卷九十二之末


鼻衄不止 津調白及末塗山根上
 湯火傷 調白及末油
 打跌骨折 酒調白及末一錢立止
 戰裂 白及末水調
 △按白及俗云紫薺也其花紅紫色初蒼時如筆頭及槌子形既開時如蘭花而中心有舌



三七
 山漆金木換

本綱三七春生苗夏高二四尺葉似菊艾而勁厚有波尖
 莖有赤稜夏秋開黃花蕊如金線盤結可愛而氣不香花
 乾則吐絮如苦蕒根葉味甘云是三七而根大如牛蒡
 根與南中來者不類恐是劉寄奴之屬甚易繁衍又其根
 有黃黑色團結者狀畧似白及根長者如老乾地黃有節

願似人參之味或云試法以末搽瘡血中血化為米者乃
 真用之合金瘡如漆粘物故名山漆又云其葉左三右四
 故名蓋恐不然
 氣味甜微苦 陽明厥陰血分之藥故能治一切血病與
 騏驎竭紫鍾黃金之相同近時始出南人軍中為金瘡
 要藥云有奇功凡折撲傷損漆血淋漓者隨卽嚼爛罨
 之卽止青腫者卽消散若受秋時先服一二錢則血不
 衝心杖後宜服之產後服亦良葉同功
 吐血衄血 山漆根一錢 赤痢血痢 山漆三錢研末水
 大腸下血 山漆根一錢 婦人血崩 或三七研末調酒服卽愈
 男婦赤眼 十分重者以山漆四物湯中亦可也
 △按三七血分之藥人皆所識也又養金魚如將死時採
 山漆葉入汁於魚口卽活故魚池傍必植之無名瘡癩
 揆葉敷之



黃連

和名加久未久佐

王連 支連

本綱黃連苗似茶叢生一莖生三葉高尺許凌冬不凋四月開黃色花六月結實似芥子色亦黃根連珠而色黃九節堅重相擊有聲者為勝漢末取蜀和黃肥而堅者為善唐時不同如此大抵有二種

一、種根粗無毛有珠如鴈雞爪形而堅實色深黃
 一、種根多毛而無珠中虛黃色稍淡各有所宜

氣味苦寒氣可升可降陰中陽入手少陰心經為治火

之主藥有君火相火之說其實一氣而已治肝膽之實火則以猪膽汁浸炒

治心臟之火則以醋治肝膽之虛火則以酒

治中焦之火則以鹽水或朴硝炒治下焦之火則以鹽水或朴硝炒

治氣分濕熱之火則以湯燻治血分壅中伏火則以乾漆炒

治食積之火則以土炒諸法不獨為之引導


其用有六瀉心臟火去中焦濕熱諸瘡必用去風濕四治赤眼暴發五止中部見血六

黃連治痢為君藥然如氣實初病熱多血痢服之便止不必盡劑虛而冷者慎勿輕用

黃芩龍骨為之使惡菊花生參白鮮皮芫花白僵蠶畏款冬牛膝勝為頭解巴豆毒

△按黃連出賀州金澤者最良越前者次之俗呼曰蝦黃連佐渡越後與州羽州因州信州皆次之

割孤露澤



胡黃連

フウハシレン

本綱胡黃連出波斯國生海畔陸地今南方亦有之其性味切用似黃連初生似蘆乾則似楊柳枯枝心黑外黃折之塵出如煙者乃為真其根頭似鳥嘴折之內似鸚鵡眼者良

氣味苦寒 主傷寒咳嗽發熱大小便赤如血補肝膽明目自理腰腎主兒疳痢鎮痲驚惡菊花女參白鮮皮解巴豆毒忌猪肉令人漏精
△按倭用當藥克胡黃連形狀大異不可以類也故令禁稱胡黃連



當藥

正字未詳


俗云世年不利

△按當藥播州三木郡多有之苗高五六寸一根數莖其莖細而淡紫色葉似地膚草而小七月開花形似桔梗

花而小色黃有無花者根細長黃色

氣味大苦 倭方丸散諸蟲積聚藥入用或有代胡黃連用之者不可今人用深兒衫衣黃色也云能避蚤虱


條芩



ハアシキン

腐腸 空腸

片芩



黃芩

內虛 妬婦 經芩 黃文



枯芩



印頭 苦督郵

本綱黃芩川蜀河東陝西多有之苗長尺餘莖幹粗如筋葉從地四面作叢生類紫草高一尺許亦有獨莖者葉細長青色兩兩相對六月開紫花根如知母粗細長四五寸氣味微苦而甘涼 浮而外陽中陰也入手少陽陽明經其用有九瀉肺熱去上焦皮膚風熱風濕去諸熱三利胸中氣消痰膈除脾經諸濕夏月頂用婦人產後養陰退陽安胎酒炒上行主上部積血

非此不能除下痢膿血腹痛後重身熱久不能止者與
 芍藥甘草同用之凡諸瘡痛不可忍者宜芩連苦寒之
 藥也 山茱萸龍骨為之使惡葱實畏丹砂牡丹藜蘆
 得厚朴黃連止腹痛得五味子牡蠣有子人得黃芪白欬赤
 小豆療鼠瘻得柴胡退寒熱得桑白皮瀉肺火得白朮胎安
 ○宿芩又云片芩腐腸 舊根多中空外黃內黑謂之宿芩瀉肺
 火利氣消痰除風熱清肌表之熱
 ○條芩子又云 新根多內實謂之條芩瀉大腸火養陰退
 陽補膀胱寒水滋其化源



秦艽

秦艽 秦艽
 和名都加里久佐
 一云波加里久散

本綱秦艽生山谷其根土黃色而相交糾長一尺以來粗
 細不等枝幹高五六寸葉婆婆連莖梗俱青色如蒿葉
 六月中開花紫色似葛花當月結子其根羅紋相交者佳
 氣味微鹹 陰中微陽可升可降入手陽明經兼入肝膽
 故手足不遂黃疸煩渴之病瀉之取其去陽明之濕熱
 也陽明有濕則身體酸疼煩熱也葛蒲為之使
 △按秦艽往昔本朝亦有之今乃無



柴胡

地黃 芸蒿
 山菜 茹草
 和名乃世利
 又云阿未安
 加奈

本綱柴胡二月生苗甚香莖青紫堅硬微有細線葉似竹
 葉而稍緊小七月開黃花根淡赤色似前胡而強生丹州
 者結青子與他處者不類其苗有數品如竹葉者為勝如

和莫三竹圖會

山草 卷之九上之三

五

韭葉者次之如和蒿者最下也

銀州之產長尺餘而微白且軟不易得謂之銀柴胡為最上銀州即今延安府神木縣

北地之產亦如前胡而軟入藥亦良謂之北柴胡南土之產不似前胡正如蒿根強硬不堪使用近時有

一種根似桔梗沙參白色而大以偽充銀柴胡不可用氣味苦微寒陽也升也手足少陽厥陰四經藥也

行手足少陽厥陰以黃芩為佐在臟主血在經主氣欲上升則用根以酒浸欲中及下降則用梢


治傷寒寒熱為最要之藥傷寒外亦諸有熱則加之無熱則不加也又能引胃氣上行又諸癰以柴胡為君婦人

產後血熱必用之勿令犯火便無効半復為之使△按柴胡倭亦有錄倉河原之二種以錄倉柴胡為最上

唐人亦求之美稱錄倉柴胡根縮短長者二寸許淡赤色本相州之產而

今多出於武陽者良日向薩摩肥後之產次之

河原柴胡根稍長四五寸許紫赤色出於豐州白木者良阿波備前安藝紀伊能登佐渡越後次之但赤紫者為上純紫者次之淡白者為下



前胡

前胡

俗云美都波佐

ツミンフワ

本綱前胡生下濕地有數種春生苗高一二尺青白色似

斜蒿葉如野菊而細瘦嫩時可食扶月開紫白花類蛇牀子花根皮黑肉白有香氣為真大抵北地者為勝前胡北


野蒿根甚相似而味粗酸苦誤用之令人反胃不受食氣味苦微寒又陽中之陰降也乃手足太陰陽明之藥

能下氣故治痰熱喘嗽痞膈嘔逆諸疾氣下則火降痰

亦降矣所以有推陳致新之績為痰氣要藥此與柴胡治證雖同而所入所主則異以半夏為使畏菘蘆惡皂莢

△按前胡味始苦其倭漢形狀氣味有異同蓋漢之前胡亦有數種則其中異種者乎和州金剛山之產為上防州及藝州廣島備中平福之產次之苗高一二尺葉似桑葉而無鋸齒兩兩對生八九月開黃花似旋覆花有白花者並十月結實有核似牽牛子黑色

東防風



防風

- 銅芸 回芸
- 蘭根 百枝
- 屏風 回草
- 百蜚

和名波萬須加 又云波萬仁加奈

本綱防風其莖葉俱青綠色莖淡而葉淡似青蒿而短小春初嫩時紫紅色作菜茹五月開細白花中心攢聚作木房似蔣蘿花實似胡荽子而大根土黃色與蜀葵根相類

石防風



石防風朔菘生山石之間二月米嫩苗作菜辛甘而香五月開白花根如蒿根而黃粗醜此乃防風之種也氣味甘溫氣味俱薄浮而升陽也手足太陽經之本藥治風通

用身半已上風邪用身半已下風邪用稍治風去濕之仙藥也風能勝濕故爾又云防風治一身盡痛乃卑賤之職隨所引而至乃風藥中潤劑也若補脾胃非此引用不能行

防風能制黃芪黃芪得防風其功愈大乃相畏而相使者也得葱白能行周身得澤瀉藁本療風凡使以黃色而潤者為佳白者不佳又頭者令人發狂又尾者發人痼疾惡菘蘆白欬乾薑羌花畏菘蘆殺附子毒

△按防風初生葉形類老芥葉而淡綠一莖二三葉其莖赤紫相抱生稍長葉圓尖有鋸齒而淡青色其嫩時和醋未醬茹之極爽口五月開花結子其花實如上說其根入藥有削防風濱防風二種猶唐之東防風石防風之二種

本草綱目卷之...

防風...

...

濱防風者細而微黃色為勝雲州勢州若州最佳日向因
播次之遠列參列海濱沙地甚多有濱防風之名由之乎
削防風者大而白色為次豫州之產為上日向及五島之
產次之



獨活

和名宇止 一云豆知多良

護羌使者 胡王使者

本綱獨活羌活一物二種也正如川芎撫芎白朮蒼朮之
義入用藥微有不同春生苗葉如青麻六月開花作叢或
黃或紫結實時葉黃者是夾石土所生葉青者是土脉中
所生此草得風不搖無風自動故有獨活獨搖之名
古方但用獨活無羌活今方俱用以紫色而節密者為羌
活黃色而作塊大者為獨活今人用土當歸充獨活不
可不辨亦芬香如白芷氣

獨活 微温甘苦 此與細辛同用 足少陰行經氣 藥也
羌活 性温辛苦 此與川芎同用 手足太陽經風 藥也

羌活 主治 足太陽風濕相搏頭痛肢節痛一身盡痛者
獨活 主治 足少陰伏風頭痛兩足濕痺不能動止者

△按獨活二三月生苗似蘆荀而有節有短毛青碧色而
紫黃白微斑且有小點謂之獨活芽為蔬和酸茹之香
美可賞既長高四五尺一桎五葉有細鋸齒面背皆有
細毛六月開白花作叢婆娑如絲毛秋結實以根上近
莖帶紫處為羌活以根株塊而黃色處為獨活如白朮
蒼朮之分別蓋花形色倭漢不同今將來之羌活間有
無節者是疑土當歸矣止擇用倭羌獨可也備中平福
之產佳藝州廣島者次之羽列最上獨活有長一三
尺者太柔可食總關東之產太長畿內之產僅五七寸

一種有削卷活久氣味不可用

土當歸

佐波字止

本綱土當歸根長近尺許白肉黑皮氣亦芬香如白芷氣人亦謂之水白芷用充獨活解散亦或用之

△按此俗云澤獨活
都管草 生田野苗高一尺許葉似土當歸有重臺根似
卷活頭歲長有節 按歲音不正 歲裏不正



外麻

周麻

和名止里乃阿之佐 云字太加久佐

本綱外麻春生苗高三尺以來葉似麻葉並青色四五月着花似粟穗白色六月以後結實黑色根如蒿根紫黑色

多鬚今人取裏白外黑而緊實者謂之鬼臉外麻蓋其葉似麻其性上外故名外麻

氣味甘苦微寒 浮升陽也為足陽明大陰引經的藥得葱白白芷亦入手陽明太陰引石膏止陽明齒痛人參黃芪非此引之不能上行得柴胡引生發之氣上行得

葛根能發陽明之汗 升麻葛根湯乃陽明發散藥若初病太陽證便服之發動其汗必傳和於陽明反成其害也

其用有四手足陽明引經也 升陽氣於至陰之下也 去至高之上及皮膚風邪也 治陽明頭痛也

△外麻和漢同而澀味有微但葉似榆而長有微毛為異耳 河州金剛山者良備中平福豐前中津之產次之



苦參

クウスイ

和名久良々
云未比里久左

苦識 苦骨

地槐 水槐

菟槐 驕槐

野槐 白莖

本綱苦參生山谷田野其根黃色長五七寸許兩指粗細三五莖並生苗高三四尺以來葉碎青色極似槐葉春生冬凋其花黃白色七八月結實作角如蘿蔔子角內有子二三粒如小豆而堅又有無花子者

氣味至苦 氣沉純陰足少陰腎經君藥也最治風熱瘡

疹除心腹結破癥瘕殺疔蟲惡見母免絲漏蘆伏承及藜蘆制雌黃煇硝


凡苦參黃蘗之苦寒皆能補腎惟腎水弱而相火勝者用之宜若火衰精冷真元不足及年高之人不可用也

△按苦參形狀和漢同而丹波之產最良淡州豫州今治藝州廣島次之帶黑色者不可



三才圖會

本草必讀所圖



ペツスエンヒイ

白鮮皮

白藺 白羊鮮
金雀兒椒
地羊鮮

和名比豆之文佐

本綱白鮮其苗高尺餘莖青葉稍白如槐亦似茱萸四月開花淡紫色似小蜀葵花根似小蔓菁皮黃白而心實其氣似羊羶氣鮮者羊之氣也故名之其子累累如椒山人采嫩苗為菜茹米根皮為藥

氣味苦寒 性燥善行足太陰陽明經去濕熱藥也兼入

惡標峭枯梗
伏苓革薺

△按白鮮皮往昔出於本朝也今亦丹波及吉野山中有之高三四尺葉似木槿而小六七月開單白花亦似木槿而小根亦似木槿而黃白色俗呼曰寒牟須伊山人

和名三才圖會

和名三才圖會


伐之為柴薪即木類也其根以充白鮮皮然和藁大異而葉花亦不相似唐白鮮皮形似筆管而細倭者如山椒木皮而濶故官令禁止賣買



根

延胡索

延胡索本
避宋真宗
諱改玄為



延

本綱延胡索本出奚國東北今二第山西種之每辛寒露後栽立春後生苗葉如竹葉樣三月長三寸高根叢生如芋卵樣又如半夏而色黃立夏掘起氣味辛微可外可降陰中陽入手足太陰厥陰四經能行血中氣滯氣中血滯故專治一身上下諸痛通小便



貝母

荷蒲 勒母
苦菜 苦花
空草 藥實
和名波个久里

ホイモウ

本綱貝母二月生苗莖細青色葉亦青似蕎麥葉隨苗出七月開花碧綠色如鼓子花八月采根有瓣子黃白色如聚貝子故名貝母此有數種而其葉或如大蒜或如韭或如括樓葉而細小蓋其如括樓者多有之似韭而開白花者罕復見之

其子在根下如芋子正白四方連累相着有分解若團不作兩片無皺者號曰丹龍精不入藥用誤服令久筋麻永不收惟以黃精小藍汁服之立解氣味平苦辛能散心胸鬱結之氣乃肺經氣分藥而多愁鬱者殊有功降火消痰清肺治煩熱咳渴療惡瘡

俗以半夏有毒用貝母代之貝母乃太陰肺經之藥也經之何可以代乎貝母厚朴白微為之使惡若虛勞欬嗽吐血咯血肺痿肺癰婦人乳癰癰疽及諸鬱之證半夏乃禁忌皆貝母為向導猶可代也

至於脾胃濕熱涎化為痰久則生火痰火上攻昏憤僵


什寒瀉諸證生死且夕亦豈貝母可代乎

貝母治惡瘡唐人記其事云嘗有商人左膊上有瘡如人面亦無他苦戲以酒滴口中其面赤色以物食之亦能食

多則臍內肉脹起或不食則一臂痺焉有名醫教其歷試諸藥金石草木之類悉無所苦至貝母其瘡乃聚眉閉目

因以小葦筒毀其口灌之數日成痂遂愈然不知何疾也

△按貝母人以小者為佳蓋不可抱大小色正白而作兩片有皺者佳也 本朝亦汲山陰處有之葉如初生麥花似百合而赤或白色其根子白然不鮮明故不敢用



山慈姑

無義草

朱姑 鹿蹄草
俗云燈籠花
又云愚和
又云阿未奈

本綱山慈姑冬月生葉如水仙花之葉而狹二月中枯一莖如箭幹高尺許莖端開花白色亦有紅色黃色者上有黑點其花乃衆花簇成一朶如絲紐成可愛二月結子有三稜四月初苗枯即掘取其根狀如慈姑及小蒜遲則苗腐難尋矣根苗與老鴉蒜極相類但老鴉根無毛此根有毛殼包裹為異爾用之去毛殼但其花與葉不相見人惡種之謂之無義草取根為藥

一種 有圓慈姑根如小蒜
氣味甘微辛 能治粉滓面黚根液療癰疔惡瘡解諸

毒故紫金錠方中入用

本草綱目卷之...

本草綱目卷之九十一 石蒜類

△按草本花詩譜云金燈花有二種花開一簇五朵金燈
色紅銀燈色白皆蒲生分種
出於藝列及四國葉根共如本草說此石蒜根有皮無毛
四月開花形似梅花尖長鬚有黃與白二種不若本草
謂如絲紐成形耳山慈姑甚希也



石蒜

鳥蒜 老鴉蒜
水麻 蒜頭草
連演酸 一枝箭
俗云死人花 又云彼岸花
曼珠沙華
東國

本綱石蒜下濕地有之春初生葉如蒜秧及山慈姑葉背
有劍脊四散布地七月苗枯乃干平地抽出一莖如箭幹
長尺許莖端開花四五朵六出紅色如山丹花狀而瓣長
黃蕊長鬚其根狀如蒜皮色紫赤肉白此花開後乃生葉
葉花不相見也同山慈姑

氣味酢 治便毒諸瘡搗爛塗之即消若毒大甚者
洗淨以生白酒煎服得微汗即愈

△按石蒜者山慈姑之類而山野墳墓邊多有之故俗曰
死人花而人家忌之不種者非也唐人呼山慈姑曰無
義草惡葉花不相見亦同意也九十月生苗似蒜葉而
長有劍脊四散布地紀列人用藉蜜柑籠中四月葉枯
徒為空地七月抽一莖尺餘莖端開花七八朵有青節
每朵開紅花六出狹長橫簇如深紅絲紐每瓣著赤蕊
七筋長而端戴小子形如伊乃牟士而初赤後黃老則
花緣變白亦有之秋分盛開故名彼岸花小兒取之寸
寸折之脆而皮不絕畧作念珠狀掛頸為戲莖汁臭又
法華經曰摩訶曼陀羅華曼珠沙華乃曼陀羅花今云
朝鮮牽牛花也曼珠沙花此石蒜也摩訶者共稱其美
耳其根似水仙根而不如蒜有隔也塗諸瘡佳或和泥
土塗壁則鼠不敢入又搗和繪具書於漆器則不繪滅

本草綱目卷之九十一 石蒜類



鐵色箭

カクシイセン

俗云夏水仙

本綱鐵色箭即石蒜之一種者其葉如大韭四五月抽莖
開花如小萱花黃白色花後乃生葉葉花不相見山慈姑
石蒜並同根亦為藥功相似

△按鐵色箭夏開花賞其花俗不名夏水仙也凡冬生苗
葉似水仙而厚微潤有劍脊不尖水仙二月枯此葉四
五月枯故立花者換用水仙葉仍名夏水仙葉枯而後
七月抽莖開花似萱草及牽牛花而白黃色一莖四五
朵開又有黃白帶微赤色者
又不可謂花後生葉謂葉枯後生花而可也



水仙

スイセン

金盃銀盃


スイセン

本綱水仙宜卑濕地不可缺水故名之其根似蒜及薤而
長外有赤皮裹之冬月生葉似薤及蒜春初抽莖如葱頭
莖頭開花數朵大如簪頭狀如酒盃五尖上承黃心宛然
蓋樣其花瑩韻其香清幽栽于肥壤則花茂盛瘦地則無
花五月初收根以童尿浸一宿晒乾懸火煖處若不移痛
根更旺其根為藥

氣味苦微辛 治癰腫及魚骨哽又以花作香澤塗身理
髮或入婦人五心發熱之藥
一種千葉者花皺下輕黃而上淡白不作盃狀人重之指
為真水仙蓋不然乃一物二種爾亦有紅花者

一種出拂林國者根大如雞卵葉長三四尺似蒜中心抽
 條莖端開花六出紅白色花心黃赤不結子冬生夏死
 此形狀與水仙彷彿

△按水仙南面岸陰能茂生如遠列駿列向陽地則三四
 尺者不多或夏土用中掘其根浸尿晒乾一宿種之則
 佳大抵十一月開花近時有七八月開者蓋因培糞之
 功也河州志紀郡舟橋村出早華紀列松江之產亦早
 千瓣者名玉玲瓏畫譜今有千葉淡青色者未見其紅
 花者凡眼科取其根細末水飛以點突眼有效紋汁入
 眼亦佳又傳藤瘡愈



白茅



根名茹根
 蘭根 地筋
 茅 和名智
 花曰豆波奈
 豆與智通

本綱白茅田野處處有之春生芽布地如針俗謂之茅針
 亦可噉甚益小兒夏生白花成穗茸茸然結細實至秋而
 枯其根甚長白軟如筋而有節乾之夜視有光故腐則變
 為螢火

茅根甘寒 服食斷穀甚良能除伏熱利小便故止諸血

噉逆喘急消渴治黃疸水種乃良物也

茅針甘平 即初生苗也通小腸下水治消渴破血治血

及暴下血服之惡瘡軟痛未潰者煮服一針一孔二針

二孔傳金瘡生接止血

止血 煎傳灸瘡不谷罨刀箭金瘡止

血并痛

△按茅生原野堤塘春月兒女拔茅針為野遊

此茅針也



菅茅

俗云智加也
翻上下之名
白華野菅爾雅

本綱菅茅生山上似白茅而長入秋抽莖開花成穗如菰花結實尖黑長分許粘衣刺入其根短硬如細竹根無節可入藥功不及白茅

加云此種之葉物也




黃茅

俗云加也
根名地筋
菅根 土筋

本綱黃茅似菅茅而莖上開葉莖下有白粉根頭有黃毛

根亦短而細硬無節秋深開花穗如菅可為索繩蓋白茅黃茅二物之根狀皆如筋故共名地筋

△按黃茅其根細纖而如絲瓜筋及菹薺鬚束之可以磨物呼名宇豆久利出於藝州廣島櫛挽家用之以琢櫛



香茅

俗云太末保
又云菴草
菁茅 瑤茅

本綱香茅葉有三脊其氣香芬可以包藉及縮酒
△按香茅葉似菅茅而有三角微柔軟農家用之作雨衣
菴其穗黃赤色其他茅穗白播州多有之



芒 同 惹

芭茅 杜榮
俗云尾花
又云須个木
俗作薄字

本細芒叢生葉如茅而大長四五尺甚快利傷人如鋒刃
七月抽長莖開白花成穗如蘆葦花於花將放時剥其籜
皮可為繩箔草履諸物其莖穗可為掃帚也
石芒折草 生高山如芒而節短五月抽短莖開花亦如
芒花

△按惹 俗用其花作穗而翻翻似物之尾故俗呼名尾花
順和名抄引爾雅云草聚生曰薄花薄 葉集和歌云

此草以數莖叢生竟以薄為此草名

鬼惹 盤芒 葉潤於常夏冬不凋快利傷人手者也

縵惹 須木 葉有縱白文如縵織者也

鷹羽芒 乃波加 葉有白彪如鷹羽者也


十寸穗芒 末須保或 登蓮法師問二名何是也 有河州丹



絲芒

俗云伊止須須木

本細絲芒即芒之異種葉細如絲線而長三四尺一株數
百莖叢生秋抽莖作花穗以栽庭園賞之



根



龍膽

陵游
和名衣夜美
久佐
一云迹加奈
今云里牟止字

和名三寸同音

山草

卷九下云採の

本綱龍膽宿根黃白色下抽根十餘條類牛膝而短直上生苗高尺餘四月生葉如嫩蒜細莖如小竹枝七月開花如牽牛花作鈴鐸狀青碧色冬後結子苗便枯俗呼曰草龍膽又云葉如龍葵味苦如膽因以名龍膽

氣味苦寒氣沉而降陰也足厥陰少陽經氣分藥也其用有四除下部風濕一除濕熱一治臍下至足腫痛一治寒濕脚氣也四下行之功與防已同酒浸則能上行外行以柴胡為主龍膽為使治眼中疾必用之藥益肝膽之氣而泄火蓋相火寄在肝膽有瀉無補故龍膽能瀉肝膽之邪熱也但大苦大寒過服恐傷胃中生發之氣反助火邪小豆為之使惡地黃忌鐵一種山龍膽苦瀉其葉經霜雪不凋山人用治四肢疼痛與草龍膽同類而別種也

△按龍膽和漢共用之藝州廣島之產良豐前中津次之

葉似菘而厚九月開花紫如鈴鐸形向上花中有蒼子又有正白花者名笹龍膽形狀小



遼細辛



西細辛



細辛


さいじん

小辛 少辛


和名美良乃祢 或云比木乃比太 比久佐

スイスイ


本綱細辛山谷處處有之皆不及華陰高麗者葉似小葵柔莖細根直而色紫味極辛嚼之習習如椒而更甚於椒大抵能亂細辛者甚多皆當以根苗色味細辨之杜衡鬼督郵徐長卿白微白前皆能偽細辛



杜衡



鬼督郵



徐長卿

葉似馬蹄莖微粗根曲而黃白色味亦辛一莖直上莖端生葉如繖根似細辛微粗直而黃白色味辛微若似鬼督郵而色黑者及已也葉似小桑根似

細辛微粗長而黃色味辛而有臊氣
葉似柳而根似細辛粗長黃白色而味苦

白前 似白微而白直味甘
細辛氣味 厚于味 陽也升也入足厥陰少陰血分爲

手少陰引經之藥頭向風痛不可缺此香味俱細故入
少陰與獨活相類以獨活爲使治少陰頭痛如神亦止

諸陽頭痛諸風通用之又治邪氣自裏之表
凡水停心下不行則腎氣燥宜辛以潤之細辛之辛以

行水氣而潤燥
口瘡喉痺蠱齒諸病用之者取其能散浮熱亦火鬱則

發之之義也辛能補肝故膽氣不足驚癩眼目諸病宜
用之 得常歸芍藥芎藭白芷牡丹葶藶甘草共療婦

人得决明鯉魚膽共療目痛惡黃芪山茱萸思生萊菔
△按細辛倭漢共用之與州津輕及江州之產良阿波及
豐前小倉之產次之其葉似小葵而青有小白點夏月

開小紫花 聚短根直外黃內白其氣畧如椒雖辛不甚
用細辛藏入參則人參不性




杜衡

トウシ

杜葵 馬蹄香
土鹵土細辛

和名布太末賀三
又云豆不祿久左

本綱杜衡春初於宿根上生苗葉似馬蹄狀高二三寸莖
似麥蒿粗細每窠上有五七葉或八九葉別無枝蔓又於
莖葉間鐮內蘆頭上貼地生紫花其花似見不見暗結實
如豆大窠內有碎子似天仙子苗葉俱青經霜即枯其根
成空有似飯帚密開細長四五寸粗於細辛微黃白色帶
之可以走馬馬得之健走也市人往往以亂細辛其功雖
不及細辛而溫味辛能散風寒下氣消痰
△按杜衡往昔本朝亦有之今則亡



及已

和名豆木祢
久佐

樟耳細辛

本綱及已生山谷陰濕軟地二月生苗一莖莖頭四葉隙
着白花其葉狀如樟耳其根似細辛而黑味苦有毒入口
使人吐血只煎汁傳惡瘡及牛馬諸瘡今人不知及已律
往以當杜衡却以杜衡當細辛
△按及已倭名抄載之則往昔本朝可有之今則不識



鬼督郵

獨莖而葉攢
其端無風自
動故名獨搖
獨活與此同
名異物

獨搖草

本綱鬼督郵莖似細箭莖高二尺以下葉生莖端狀如傘
花生葉心黃白色根橫生而無鬚與及已同類根苗皆相
似但以根如細辛而色黃白者為鬼督郵為色黑者



徐長卿

和名比女加之美

別仙蹤

徐長卿人名也
常以此藥治邪
病遂為名

本綱徐長卿生下濕川澤之間苗似小桑兩葉相對三月
苗青七八月着子似蘿摩子而小九月苗黃十月凋其根
如細辛微粗長黃色而有臊氣
氣味辛溫 治鬼物疫疾温癰蓋鬼督郵徐長卿赤箭之
三物皆治鬼病故共有鬼督郵之名名同而物異古者
傳含有督郵之官之司鬼
鬼督郵及已之亂杜衡其功不同苗亦不同也徐長卿之

亂鬼督郵其苗不同其功同也杜衡之亂細辛則根苗
 功用皆彷彿乃彌近而大亂也不可不審
 △按徐長卿威靈仙二物誤波羅相混宜辨之
 肘後方云凡人登車船煩悶頭痛欲吐者稱之注車注
 船俗云船醉徐長卿石長生車前子車下李
 根皮四味等分搗碎以方囊繫半合干衣帶及頭上則
 免此患疑以此船按之義下畧稱徐長卿曰不奈波良
 乎



白微

薇草 白幕
 骨美 薺尾
 春草
 和名美那之古草
 一云久呂久佐
 一云阿末奈

本綱白微莖葉俱青頗類柳葉六七月開紅花八月結實
 其根黃白色類牛膝而短小

氣味苦鹹寒

陽明經藥古方多用治婦人後世罕能知

農政全書云白薇苗高一二尺莖葉俱青頗類柳葉而潤
 短硬毛澁開花紅色又云紫色結角中有白艸根如牛膝
 根而短黃白色

△按白微往昔有出於本朝今則亡



白前

ハツツエン


石藍 嗽藥
 和名能加加美

本綱白前苗高尺許其葉似柳根似白微牛膝葷

但似牛膝粗長堅直易斷者白前也以此別之無差
 似牛膝短小柔軟能寧者白微也
 氣味微甘微辛
 手太陰藥保定肺氣治嗽多用以溫藥相

佐使尤佳蓋肺氣壅實而有痰者宜之若虛而長哽氣者不可用

△按白前往昔有出於本朝今乃亡



草犀

ツア。ウスエ

本綱草犀苗高二三尺獨莖對葉而生如燈臺草根如細辛味辛一切毒氣虎狼蟲虺所傷並宜燒研服之臨死者亦得活其解毒之功如犀角故名草犀



百兩金

シロコウジン


本綱百兩金生戎州苗高二三尺有幹如木葉似荔枝初生背面俱青結花實後背紫面青凌冬不凋初秋開花青碧色結實大如豆生青熟赤一種河中府出者根如蔓菁赤色莖細青色四月開碎黃花似星宿花五月采根長及一寸



紅苴花

ニシクハ

草本花詩譜云紅苺花開一蕙十莖藹藹下山無色妍桃李其葉瘦如蕙亦可觀也



唐松草

俗稱 正字未詳

△按唐松草生山中春生苗苗稠更生莖葉似人參而細小面青綠背淡三桠五葉四月莖端開白花無葩瓣而匠人如刻成松葉俗稱唐松也花落莖殘其莖青黃色亦似花間希結莢有稜如麥穎而青色
一種有小唐松莖葉稍小而莖帶紫色其花有白有紫今人家移種甚可愛
一種有雪黑草高四五寸葉花並似唐松草而白紅及紫



罌草

俗稱 正字未詳

△按罌草溪山溪谷有之高不過尺細莖一本直立似櫛櫛之輩而厚有尖稜七八葉相層如開蓮中心抽細莖六月開花白色如毛狀似罌毛鞘鎗故俗名之蓋罌即白熊也見獸部



紫陽花

紫陽花白氏文集 和名安豆佐為 俗云安知佐為 今云加久波奈

△按倭名抄云紫陽花出於白氏文集叢生莖葉似綉毬

葉而五月開花其形異莖頭出四五聚聚端有未開小花數百顆黃赤色既開則紫色其周匝有大白花十許形似櫻花而總體作方宛似署扁板俗呼名署扁花

相傳紫陽草葉陰乾煎服能治癩疾

一種有白花者其莖葉與紫陽花同而五月開花其花形大異正白色五瓣小花數百攢成大於綉毬花俗呼之為真安知佐井未審蓋謂紫陽花則紫者可為真其白者一類二種也亦為綉毬之種類不遠也綉毬者即粉團花而木類

まもつけ

俗云之毛豆介



繡線菊

△按繡線菊高二尺葉似蒲萄葉而小五月開碎花狀

似胡蘿蔔而淡赤色可愛又有白花者

一種樹有繡線菊其樹葉似粉團花而枝頂上開花狀似繡線菊故俗呼曰木繡線菊未知其本名

おみれり


女倍芝新撰

女郎花

和名乎美那倍之



△按女郎花生山麓高二三尺莖有稜理而似蒿之莖枝兩兩對生節際生葉亦對生其葉似三七及前胡葉而細長七月出穗開花最細小正黃色可愛本朝文粹載源順詩曰花色如蒸栗俗呼為女郎者是也隨結子中野花白者名男倍芝オトコヘシ




川萱

かろがや

正字未詳

俗云加留加也

△按此草生山原高二三次細莖細葉每五葉兩兩對生
 八月抽莖開細花狀如景天草及胡蘿蔔花而粒粒青
 色既開則正黃是亦可謂如燕粟乎隨結子
 一云川萱者苕之類也秋出穗



箱根草

スミソウ

本名未詳

△按箱根草相州箱根山有之小草苗高六七寸細莖褐

色葉形似銀杏葉而小其根細如絲而短未知其本名
 相傳云能治產前產後諸血症及痰飲
 往年阿蘭陀人見之稱有良草請採得之甚以為珍

ふらんぢうさう 福壽草

元日草



△按福壽草洛東山溪陰處有之冬枯春生於宿根肥莖
 高二三寸葉似胡蘿蔔及石長生菜而小歲且初開黃
 花似半開菊花人以為珍植盆稱元日草春夏長尺餘
 生枝條花綻開不堪見
 五雜俎云有歲蘭其花同蘭而葉稍異其開必以歲首
 故名歲蘭此亦元日草一類二種乎



夾竹桃

けりちくそう

草本花詩譜云夾竹桃花如桃葉如竹故名然惡濕而畏寒十月月初宜置向陽處放之喜肥不可缸壅



草尾

くさのおと

俗稱赤詔

一名王草 疑謂草王義乎

△按草尾生石縫間葉似和人參葉而淺綠四月開小黃花結角花子共似燕菁捺葉塗欄眼傳蒼腫速効



歪頭菜

くさのまがし

農政全書云歪頭菜出山野中細莖就地叢生葉似豌豆葉而挾長背微白兩葉並生一處開紅紫花結角比豌豆角短小匾瘦葉味甜採葉煤熟油鹽調食



紫雲菜

あじさい

農政全書云紫雲菜生山野中苗高一二尺莖方紫色對節生葉似山小菜葉頗長拊梗對生葉頂及葉間開淡紫

花其葉微苦採嫩苗葉煤熟水浸淘去苦味油鹽調食



匙頭菜

匙頭菜

全云匙頭菜生山野中作小科苗其莖面窅背圓葉似團匙頭樣有如杏葉大邊微鋸齒開淡紅花結子黃褐色其葉味甜



舌頭菜

舌頭菜

全云舌頭菜生山野中苗葉場地生葉似山白菜葉而小

頭圓葉面不皺比小白菜亦厚狀類猪舌形故以為名味苦採葉煤熟水浸去苦味油鹽調食



螺壓兒

螺壓兒

地桑 痢見草

全云螺壓兒草生荒野中莖微紅葉似野人莧葉微長窄而尖開花作赤色小細穗兒葉甘今人用苗水煮服治痢疾甚効



鯽魚鱗草

鯽魚鱗草

農政全書云艸魚鱗草生山野中苗高一二尺莖方而茶
 褐色對分莖又葉亦對生葉似桔梗葉而微軟薄葉而却
 微紋皺稍間開粉紅花結子如粟粒而茶褐色其葉味甜



尖刀兒草

らんごうじやう


全云尖刀兒草生山野中苗高二三尺葉似細柳葉而細
 長而尖兩兩抽莖對生開淡黃花結尖角長二寸許鹿如
 蘿蔔角中有白穰及小區黑子其葉味甜



山裏果兒

中裏紅
 映山紅果

農政全書云生山野中枝莖似初生桑條上多刺其葉似
 菊葉稍團開白花結紅果大如櫻桃味甜



惠連草

あまじん

俗稱 紅字

△按惠禮草在深谷中和列多武峯有之高六七寸獨
 莖杪大葉唯三葉長三寸許似小玉替葉而不尖三四
 月頂上開小花淡紫單葉四瓣結子中有細子淡黑色


其根如半夏陰乾以為食傷藥



佛指甲

ふろしめ

農政全書云生山谷中苗高一二尺莖微帶赤黃色其葉淡綠背皆微帶白色葉如長匙頭樣似黑豆葉而微寬兩葉對生開黃花結實形如連翹微小中有黑子小如粟粒其葉味甜



拐棗

くわいざん

農政全書云拐棗生山谷中葉似楮葉而尖鱗面多紋脈邊有細鋸齒開淡黃花結實狀似生姜拐又而細短深茶褐色味甜



櫻川草

おうしのかは 俗云櫻川草

風輪菜



風輪菜

全云風輪菜生山野中苗高二尺餘方莖四楞色淡綠微白葉似荏子葉而小邊有鋸齒兩葉對生而葉節間又生子葉極小四葉相攢對生開淡粉紅花其葉味苦
△按風輪菜俗云櫻川草也高二三尺莖中空葉似山漆葉而小三三抱莖生枝極三四寸莖頭開小花粉紅色攢生一一形似牽牛花而極小所圖和漢有小異故出二圖

本草綱目卷之九 菜部 風輪菜 二圖



珍珠菜

りんごのさし

農政全書云珍珠菜生山野中苗高二尺許莖似蒿桿微帶紅色其葉狀似柳葉而極細小頭出穗狀類鼠尾草穗開白花結子小如菜豆粒黃褐色葉味苦澀



木桃兒

ゆくとし

農政全書云木桃兒生山中高五尺餘枝條上氣脈積聚為瘡狀類小桃極堅實其葉似楮葉而狹小有細鋸齒開

淡紫花結子似梧桐子而大熟則淡銀褐色味甘可食

えんかうら老君鬚


金剛刺



農政全書云金剛刺生山野中料條高三四尺條其上多刺葉似牛尾菜葉又似龍鬚菜葉而大葉間生細絲蔓其葉味甘

かまひんち 隔葱鹿耳葱

山葱



農政全書云山葱生山野中葉似玉簪葉微團葉中攢莖

似蒜薹甚長而澁稍頭結膏莢似葱膏莢微開白花結子
黑色苗味辣




羽子伊草

正字未詳
子形似羽
子故名之

くまのこ

又云波古乃古

△按羽子伊草生山中野州日光山及處處山中有之葉
似白蒿葉三月開白花似桔梗花而小六七月結子大
如無患子而生青熟灰白色皺三葉抽於子形彷彿小
兒所翫羽子連子葉深食或鹽漬送他邦入腫汁食之
味不美唯賞珍菓耳



山神錫杖

俗稱
或云孤錫杖

やまがのちりく

△按此草生高山嶺無葉夏開黃花秋結子形似番椒而
長二三寸生青熟正紅一莖十餘顆畧如錫杖樣故俗
呼名山神錫杖乾則頗似麥門冬而黑色皮肉厚中有
細子小於罌子粘肉山人取為藥味甘能治五淋及腹
痛



岐良牟草

濕草有蛇會草名岐良牟
功能亦與此似而形狀異

ぎらんま
正字未詳

△按岐良牟草、山中、小草也。備中及近江有之。冬枯春生。苗布地而無枝，似茶蘭葉而大，柔畧有大鋸齒而不尖。背微紫，二四月葉間開花，甚小，淡紫色。其子小而難見。取葉陰乾，黑燒用麻油塗，小兒草瘡，一二度即治。

庫文官政太				和 書 門
八	三	〇	七	
一	七	八	七	類 號 函 架 冊
四	四	九	四	

庫文閣内				和 書
二		八		
〇		三		類 號 冊 架
七	四	〇	七	